

中華民國三年六月廿五號
湖南官書報局印行

湖南政報

本報價目

一本報款照陽歷每日出報一本

每分每月收回大洋六角

零售每分銅元四枚

一外埠購報郵費以購報之多寡酌加
一夫役送報如有遺漏請即函告以便補發

印刷 印刷廠
發行 學院街官書報局
文運街官書報局總發行所

湖南官書報局廣告

啓者本局印刷廠製出官紙印刷極精取價極廉已呈由都督兼巡按使通令各機關來局購用在案查本局印製各種官紙概由文運街本局總發行所出售並無委託商店代銷情事倘各商店有售賣本局製造之官紙者即係假冒射利一經查覺定即呈請都督兼巡按使嚴懲不貸恐未週知特此登報宣告

照相術預約露布

照相術一書西人最爲寶視常尊重名之曰美術故凡一事一物必有一種之攝影一般人民視爲必須通曉之技術軍人學生尤甚故其學術進步極易吾國照相家尤視爲致富之奇貨秘而不傳欲就而學之非出百數十元之代價不爲功洵爲憾事美術大家田君企業精於斯術特編成是書以餉國人其於攝影之種種手續應用之藥品器具靡不盡情披露使閱者費二三日之時間便能瞭然於胸中也全書裝成一冊定價大洋一元一角先售預約券准期出版半價大洋六角

預約經售處
文運街官書報局發行所
長沙城內 践子橋退思廬
尚德街國民新報館
通泰街泰安里湘報館
總發行所 践子橋退思廬
民國三年八月出版印書無多訂購從速

目錄

飭

湖南巡按使公署飭

飭財政廳

據政事堂飭鈔呈湘省宣三歲入預算山

飭

財政廳高等審賈

送單行章則及詳報司法官吏名冊由

飭通道知事

據照紳民電控勒價開收各節自行詳覆由

飭官鑛經理處

委卸任實業司長鄧振瓊為該處總理由

詳批

都督兼巡按使批

批高等檢察廳詳益陽地檢廳欠解總檢察廳解犯高祖芬到益用費應如何支付由

批桂陽知事呈覆履勘長富坪鉛錫鑛山情形資圖請核由

批桂東知事譚嗣穆詳付該縣通俗講演稿由

批武岡知事呈覆縣農會改組及籌辦試驗場情形由

批鄉縣知事呈覆前知事呈請發還周燦田租取銷曹作霖罰款并回復公權一案查明情形請示由

批麻陽知事詳報改組縣屬模範初等小學校及歸併城區第一第二第三初等小學校由

批南縣知事呈查訊羅熙齡等閑鹽一案擬罪請示由

批湖南教育用品製造工場總理袁家元詳稱卸任總理伍礪萬抗不移交各項簿據妨害工場進行由
批森林培秧局真實播種床替山出報告書由

咨

內務部咨湖南都督 發還湘省先質 諸屋祭產擬辦文
情形業經批准在案請查照 文

內務部覆外交部函(三年天字第二百九十九號)

司法部咨各省巡按使各縣設置承審員務望通籌兼顧
力圖撙節以期核實而紓財力 文

稅務處咨農商部送呈民國二年五般棉花出入口文(附表)
數目表請查照轉送農院

稅務處咨農商部葉國璣機製杏仁牛乳膏應准完正稅一道概免重徵由
各省巡按使

示

內務部示

通告二則

飭

湖南巡按使公署飭

爲飭知事六月二十日承准 大總統府政事堂簽電開奉 大總統令現在查核各省收入以前清宣三預算爲根據所有各該省原造宣三預算歲入總數各冊務卽速行抄呈一分用資印證切勿稍稽仍卽具覆等因合電遵照等因承准此除先行電復外合行飭仰該廳卽便速照將湘省原造宣統三年預算歲入總數各冊迅速鈔齊來署以憑轉送切切此飭

都督兼巡按使湯鼐銘

右飭財政廳長陶思澄准此

湖南民
政長印

中華民國三年六月二十一日

湖南巡按使公署飭

爲飭送事照得本巡按使署業經組織成立遵照 大總統本年五月二十三日七十三號教令第一條之規定并於本署設置監督處以實行監督財政及司法行政之職務惟是改組伊始一廳卷宗多不齊全所有該廳暫行服務章程及湘省單行法規凡爲中央法令所未訂明及爲政府公報所未登載者應各檢一份費送來署藉資查閱以後並應遵照教令第八條

之規定將本省賦稅之出納
該廳及各級廳經費之出入按月列表分別詳報至一切官吏之衙名籍貫及到差月日均應隨時造冊具報以便稽核而資考查合亟遵令飭送爲此飭仰該廳即使遵照辦理勿違切切此飭

都督兼巡按使湯菊銘

右飭財政廳
高等審
檢廳長准此

湖南民

政長印

中華民國三年六月十九日

湖南巡按使公啓飭

爲執行詳復事據該縣閭邑紳民蒸憲稱通道田賦按忙徵收市面歷乏現銀多以銅圓折納上年每銀一兩折完銅元一串九百文羅知事蒞任卽以加賦爲前提人民堅未承認曾舉代表楊啓桂鄭安遠陳槐芳等呈請規定銅元折完後銀價值奉批准照該地市價完納各在案現靖通市價每銀一兩僅合銅元一串九百零縣署設櫃徵收勒收二串四百較靖通市價加至四百八九十文又復按月五分加息通道奇窮民何堪此事關田賦加徵不得不號泣電陳懇飭按照市價完納以重國課而紓民困不勝迫切待命之至等情據此查來電并未署名例

不準理惟控關勒價浮收額外取盈未便擋置致滋口實應由該知事按照電控各節自行明白詳復以憑核辦合亟抄電飭行爲此飭仰該知事卽便遵照辦理勿違并限於文到三日內卽復切切此飭

都督兼巡按使湯碧銘

右飭通道縣知事准此

湖南民政長印

中華民國三年六月十九日


湖南巡按使公署飭

爲節委事案查官鑛經理處總理一職關係重要前因該處總理黃忠績因病辭職當經派任前行政公署實業司長鄧振璣兼任在案查該兼總理任事以來對於該處一切應行整理事項不避勞怨極力整飭成績昭著殊深嘉慰現該黃總理病尙未痊亟應改委該員爲該處總理以重職務而專責成除飭知該處知照外爲此飭委該總理迅卽遵照將該處一切事務悉心整理力圖進行仍隨時具報查考此飭

都督兼巡按使湯碧銘

右飭官鑛經理處總理鄧振璣准此

中華民國三年六月十九日



詳批

都督兼巡按使批

批高等檢察廳詳益陽地檢廳欠解總檢察廳解犯高祖芬到益用費應如何支付由據詳已悉查前益陽地方檢察廳欠解總檢察廳押解人犯高祖芬到益歸案審辦墊用解費一百四十七元五角既係因公動用自應作正開支惟高祖芬因何由總檢察廳押解到益本公署無案可稽仰卽函查該犯原案事由及起程解到各日期切實詳復以憑核飭財政廳發欵解京歸墊此批抄由發

附原詳

爲詳請專案奉總檢察廳令開爲令行事前據益陽地方檢察廳呈請由本廳墊款押解人犯高祖芬到益陽歸案辦理所有往來解費一百四十七元五角節經開單飭令速卽解繳以清公項各在案詎今數月未據將前項墊款繳還已屬延玩茲該廳復以經費有限繳解無着職廳現已奉令裁撤此項解費無方無補等情呈請鑒核前來尤屬不合本廳查公欵爲重會計年度瞬屆終止碍難久懸該廳卽云裁撤其未完事件經營欵項例應列入交代由接管機關繼續辦理且各廳豫算調查費均有專款開支何得以廳署被撤爲詞遽致公款無着該廳現在交代是否辦理清楚原有事務由何項機關接收益陽司法經費果否如來呈所稱之困難竭蹶合行令仰該廳速予詳查具報以憑核奪此令

等因奉此查益陽地方廳久經電飭裁撤該檢察廳未完事件經營款項均已列冊移交益陽縣知事接收本廳復查該廳裁撤後冊報收支除辦理移交手續還令於存款收入項下開支十五日經費外結存洋銀一百零二元九角五分七釐曾經報解前來轉繳鈞署在案此外別無餘欵所有該廳欠解總檢察廳押解人犯往來解費一百四十七元五角本廳實窮於廳付牒如何辦理之處理合詳請鈞署查核速覆以便轉呈此詳

批益陽縣知事詳復履勘長富坪鉛錫鑛山情形費圖請核由詳悉胡漢章等請辦該縣屬長富坪鉛錫既經該知事勘明并無妨礙糾葛與吳紹棠等前請委勘之處亦不相妨自應准其試辦除將圖表送第四區鑛務監督署查照外仰該知事轉飭該商等遵照現行鑛業條例辦理抄由批發圖表存

附原詳

爲呈質事案奉鈞署訓令實字第四四二號內開實業司案呈案據胡漢章呈稱爲奉批再呈圖說據實口請車鑑章案奉實字八號批示查桂陽縣屬長富坪鑛產前據吳紹棠等呈請試辦當經前實業司令飭該知事查勘在案茲據呈該商等價購該處鉛鑛擬請開採核與吳紹棠前案所指鑛地相同其中有無轉移仰候令飭桂陽縣知事併案查勘呈覆核奪圖契暨山苗合同章程規條附等因奉此理應前候令行桂陽縣查勘呈復後再請示遵但長富坪之山橫寬原不止二百一十餘畝章等所買純屬得利姓產

業在東北二百一十餘畝之內其西南畝數尙多屬彭姓之產亦是長富坪界址各有不同理合再具圖說申明理由呈請省長破格垂念商艱章等旅居客舍別無所事一切艱難敢祈速令桂陽縣查勘迅予呈覆核奪批示祇遵給照開採實爲公德兩便計呈圖說一紙謹呈等情據此除批呈悉應准令行該縣知事查明所呈圖說迅予勘復核奪此批圖說存牌示外合行令仰該知事遵照辦理此令等因計發圖說一紙下縣奉此知事遼卽親往長富坪地方履勘查該鑛山計舊鑛口三處確與民間田廩墳墓均無妨碍并與吳紹棠等前請委勘之長富坪西南一帶彭姓管業不相干涉除傳集該山主劉信淵等取具并無移轄切結存卷外理合查照鑛章測量丈尺拆合鑛界繪圖貼說具文呈覆鉤署俯賜察核謹呈

批桂東縣知事譚嗣穆詳賞該縣通俗講演稿由

詳悉查閱講演各稿多可採處具見該知事對於社會教育悉心籌畫實力進行洵堪嘉許所賞講稿仰候策解 教育部察核可也此批抄由發

附原詳

爲呈報事民國三年五月十日案奉鉤署數字第三三二號令開教育司案呈案奉 教育部第一六一號訓令開爲令行事案查社會教育全恃通俗講演爲關鍵本部於民國二年十月曾通咨各省民政長轉饬各地方講演機關將所有講稿彙報審核在案并登

載二年十月二十五日政府公報迄今已逾五閱月除京師學務局選轉各區宣講員講稿三冊並抄本二份直隸行政署送鹽山縣小學校長所編講演稿二冊湖北行政署所編模範講演團所編講案三本廣東行政署所定社會教育宣講資料一本陝西行政署所輯宣講資料二十五冊巡行講演團講案四十八冊雲南行政署呈該省自治局所編宣講書一本廣西行政署所編宣講書十一冊福建行政署呈福安詔安長汀三縣所編講演稿三本江蘇行政署呈江寧吳江等十八縣所輯講稿十八本到部外其餘各省概未送到應令該民政長遵照前咨迅飭呈報并查明各地方之有未設此項演講者卽令悉心籌畫設法推行俟講稿陸續編出後卽行彙寄如有已編講稿各縣趕卽催送計距前咨閱時已久彙稿呈核毋得再遲此令等因奉此查此案前准教育部咨請轉飭各地方講演機關將所有講稿陸續彙集報部審核等因到署當經令飭各知事轉飭所屬通俗講演所遵照辦理在案迄今已三閱月未據呈報殊屬怠忽茲奉前因除分行外爲此令仰該知事卽便遵照辦理限文到十五日內具覆事關部令毋再玩延切切此令等因奉此知事遵卽飭演講員將講稿彙齊理合備文呈請釣署俯賜察核謹呈

批武岡知事呈覆縣農會改組及籌辦試驗場情形由

據詳已悉該縣農會機關旣已中斷自應從新組織仰卽督飭合格會員遵農會規程迅速擬具會章選舉職員詳覆核奪毋稍延忽切切此批抄由發

批郴縣知事呈覆前知事呈請發還周煥田租取銷曹作霖罰欵並回覆公權一案查明情形請示由

悉查此案迭據劉鄧兩前知事呈明周煥等被冤情形請予回覆公權寬免罰款前經飭令查覆在案茲既據查明歐陽前知事挾私枉法周煥等均係無辜受累應即照周煥田租發還曹作霖罰款取銷與黃茂一併回復公權以昭平反並將該前歐陽知事履歷查明具報仰卽遵照此批抄由發

批麻陽縣知事詳報改組縣屬模範初等小學校及歸併城區第一第二第三初等小學校由

詳悉查該知事改組縣屬模範初等小學校及歸併城區第一第二第三初等小學校各節辦法甚是應准備案惟該校校名不得仍標模範兩字致涉誇張合併訪知此批抄由發

批南縣知事呈金訛羅熙齡等鬧鹽一案擬罪請示由

據呈已悉查此案因開鹽起訛致釀罷市巨案雖始誤於蕭前知事之輕發謹照採運川鹽繼誤於龍前旗長之藉公苛罰激成衆怒而羅熙齡等并不陳請上級官廳查明處理輒敢聚衆反抗搗毀自治會場其非馴良已可概見所請將附和隨行之羅復初擬處五等有期徒刑定徒六年并將以前在押月日折抵刑期之處是否允協仰高等審判廳核明飭遵具覆餘如所擬辦至羅熙齡在省戀控并候飭知警察廳查拏解究可也抄由批發

批湖南教育用品製造工場總理袁家元詳稱卸任總理伍鵬萬抗不移交各項簿據妨害工場進行由

詳悉查該工場係完全公款所創辦凡關於移交事項自廳澈底清釐斷不能絲毫含混據稱該前總理公然在辦公處宣言關於銀錢出納各項簿據決不移交等語殊屬不成事體除飭警察廳廳長派警在工場看守以便尅日移交外仍仰該總理遵照前開移交條件逐一清查毋稍瞻徇是爲至要此批抄由發

批森林培秧局稟費播種床替山出報告書由

據該局稟費本年春季播種林苗報告書一冊到署查閱表載各項尙屬合格應由該經理將種植各苗木如法培溉認真保護以資利源而興林業此批抄由發

咨

內務部咨湖南都督發還湘省先賢祠屋祭產擬辦情形業經批准在案請查照文
爲咨達事准政事堂交奉 大總統發下湖南都督呈明發還湘省先賢祠屋祭產擬辦情
形請核示一案奉批准如所擬辦理交內務部查照此批等因鈔交到部相應咨達貴都督查
照可也此咨

中華民國三年五月二十八日

內務部覆外交部函(三年天字第二百九十號)

逕覆者准函開據橫濱總領事呈據華僑馮譽林呈稱係廣東順德縣人於宣統三年三月十四日與日女長谷武女私生一男取名永田於民國三年四月二十二日認知爲己子已稟准橫濱市役所出日本國籍請准入中華民國國籍等情相應將橫濱市役所給與該兒出籍證據鈔送函請核辦等因到部查該華僑馮譽林之私生子永田既經其父認知并由橫濱市役所批准出籍發給證書在案核與國籍法第二條第二款及第三條第一款相符本部應即按照僑民葉秀將所認知之私生子圓誠呈請入籍成例由部核准註冊相應函覆貴部查照轉行飭知可也此致

司法部咨各省巡按使各縣設置承審員務望通籌兼顧力圖撙節以期核實而紓財力

文

爲咨行事查知事兼理司法事務暫行條例於四月五日奉
大總統教令公布各級審檢廳及知事署留用司法收入辦法業經商同財政部呈明
日政府公報公布各在案查承審員係酌量各縣情形分別設置詳繹該條例第一第二條所
載原以知事處理司法事務爲原則以設承審員助理爲例外此次裁廳固因人才缺乏亦半
爲節費起見乃近據各省文報紛紛以承審員經費無着爲詞並不酌量縣缺之是否繁要有
無設置承審員之必要殊與減政之旨不符至經費一節本部查核此次財政部核定各省行
政經費獨於各縣署公費多未核減原慮兼理司法特爲寃定則挹注當自不難如實有不敷
始准於本部指定司法收入項下酌量貼補此爲目前暫時補救之策務望通籌顧力圖撙
節以期核實而紓財力除飭高等審檢廳外相應咨請貴巡按使轉訪所屬一體遵照此咨

中華民國三年六月五日

稅務處咨農商部送呈民國二年五穀棉花出入數目表請查照轉送義國農院文(附
表)

爲咨行事據總稅務司呈稱查按年申送義國農院行取之五穀出入數目表一事曾將西
歷一千九百十二年漢洋文表備文送請轉交在案茲據造冊處稅務司將西歷一千九百十
三年卽民國二年分中國與外洋出入口及復出口五穀棉花等之總數列表送呈合特備文
附呈咨收轉送等因前來除本處留存一分備查外相應將原送漢英文表各二分咨送貴部

查照轉送義國農院可也此咨

照錄通商海關造冊處呈報民國二年
即西歷一千九百十三年中國與外洋出入口五穀棉花等總數表

計開

出產品 由中國運出外洋

小麥 二千六十四担

麵粉 二百五十七萬二千九十七担

一百八十四萬七千五百九十八担

裸麥 一千一百七十六担

五千一百十七担

大麥 二萬五千五百五十七担

二十六萬五千四百七十六担

玉蜀黍

六萬八千三百四担

稻油

五萬五千六百十一担

棉花

五百四十一萬四千八百九十六担八萬四千四百二十八担

十三萬三千一百五十五担

七十九萬四千九百十五担

無

由外洋運入中國

一百八十四萬七千五百九十八担

十一萬九千四百四十七担

無

稅務處咨

財政部
各司巡按使 葉國瑞機製杏仁牛乳膏應准完正稅一道概免重徵文

爲各行客據聞海關監督以稱據福州關務分處委員稟稱華商葉國瑞現用機器自製杏仁牛乳膏經呈蒙前民政長咨部立案准予專用商標又經全閩醫學會暨美國江醫士化驗發給證書現擬運售省外照現行稅例值百抽五完正稅一道經委員確切調查尙屬相符等

六月二十五號

十四

情呈請鈎處如蒙允准應請通行遼辦前來查華商用機器仿造洋貨歷經本處核准祇完正稅一道沿途概免重徵今閩商葉國瑞自製杏仁牛乳膏在本地零星銷售者概免稅釐如行銷各處相符應准援照辦理所有該商機製杏仁牛乳膏在本地零星銷售者概免稅釐如運銷各處應由經過第一關按切實值百抽五征收正稅一道給予運單沿途各關卡驗明單貨相符並無夾帶影射及漏稅情事卽予放行不再重征稅釐俟將來整頓關稅另訂稅則時該公司亦應一律照辦除分行外相應咨行貴_部查照飭遵此咨
使

中華民國三年五月 日

示

內務部示

爲示知事查修正知事試驗條例第二十四條第一項內開保薦免考人員審查決定仍須試驗者不適用第二十五條之規定但得免其甄錄試等語本屆知事試驗保薦人員除審查決定免考者業經呈奉 大總統核准宣布其試驗委員會審查認爲手續不完備者亦經行知各原保長官另行調查歸於下屆辦理茲將審查決定仍須試驗各員開列清單仰即遵照於下屆舉行試驗時報名投考可也此示

計開

翟師彝湖南人	曾厚章浙江人	趙祖銘直隸人	劉鴻雲山東人	錢汝濟浙江人
沈翰儒浙江人	郭紹江山東人	張爾文奉天人	饒霆武湖南人	王用先直隸人
畢維垣吉林人	董增勳江蘇人	陳光勳雲南人	杏季華湖北人	馬良弼甘肅人
商言志浙江人	汪龍標安徽人	徐紹聃山東人	王宗元山東人	章夔一廣東人
宋紹唐山東人	趙保泰山東人	王國珍浙江人	張漢章山東人	王 琢湖北人
褚鼎卿湖北人	梁廷俊直隸人	齊耀瑩吉林人	姚憲璠浙江人	于 芹奉天人
張文棟河南人	仇曾治山西人	陸近禮山西人	汪家玉江蘇人	謝崇禮浙江人
王 嵘浙江人	傅汝勤湖北人	王光燮江蘇人	張鳳翮四川人	陳國常四川人

六月二十五號

十六

趙宗香四川人 程昌祺四川人 蕭鴻詩四川人 胡 釤四川人 高 祺四川人
周鴻德四川人 梁清平廣東人 許紹經廣西人 沈 鈞浙江人 林觀光福建人
黃凌雲湖北人 王蔭祖直隸人 鞏金湯安徽人 陳 緯四川人

通告二則

湖南巡按使公署爲出示招考專照得北京高等師範學校於本年暑假期內添招豫科一班
前經
教育部核准由湘攷送三人於八月一二十日前到京署試合行示知投攷各生查照後開條件
報名勿誤此示

計開

一 資格 中學畢業

二 考試科目

國文 英文 歷史 地理 理化 數學 博物

三 報名日期 七月一日起至三日止

四 報名手續 攜帶畢業文憑四寸半身相片并備繳卷費錢二百文

五 報名地點 省教育會

六 試期 七月初十一兩日

中 民 國 三 年 六 月

二 十 二 日 示

湖南巡按使公署爲出示招攷事案准北京清華學校兩處敝校中等科一年級向由各省照
章選送湖南應派學額四名希查照規約認真選送至京覆試等因合行廣告投考各生查照

六月廿五號

後開條件攜帶四寸相片於七月二十日前來本公司署號房報名

一 資格
十一歲至二十歲確隸湘籍者

二 科目
國文、英文、歷史、地理、各科算術、各科體育

三 試期
八月一日二日

四 罷試期
九月初十十一十二三日須八月底到京

中華民國三年六月二十

二 日 示

官書報局廣告

啟者本局開辦半載印刷廠早經成立所有機器鉛字等項極為完備所用紙張均係上選材料價目格外從廉印出各品亦甚精工嗣後如各機關有應行排印之件請逕向文運街本局總發行所接洽為幸

其二

啓者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書並奉令將前辦之圖書編譯局歸併合辦所有各書正在從事編輯其已出版者特為標出各界諸君購閱請逕向文運街本局總發行所面訂可也計開書目如左

國語 教授法
算術 教授法
手工 教授法
圖畫 教授法

以上四種日本田中廣吉著南州熊崇煦譯

初等小學讀本
初等小學讀本
初等小學讀本
初等小學讀本

第一卷
第二卷

洋二角八分八釐
洋一角六分八釐
洋一角一分四釐
洋一角一分四釐
合購洋六角八分四釐
洋三分六釐
洋一角八分

初等小學修身書
初等小學修身教案
初等小學修身書

初等小學修身書第一卷掛圖十二張

初等小學算術教案

第第一二二一卷

第一

卷

小學各科實際教授法

常特常特常特
二裝一裝
裝裝裝冊冊冊合

洋一元一角
洋一角四分
洋一角三分二釐
洋一角四分
洋一角三分二釐
洋一角四分
洋一角四分
洋一角四分
洋一角四分

手工教科書

江蘇蘭慈叔譯著
日本不相島龜三郎著

少儀教科書

湘潭胡連譯著
美國耳哈博士著

兒童教授法
兒童自力研究之啓導法

南昌羅黑子譯著
美國麥加利博士著

兒童個性之研究

日本大川義行著
長沙黃獨譯著

印刷中
印刷中

本局出售各書從前係照碼六折發行久經於湖南政報登載廣告茲恐閱者或有誤會
以致疑其昂貴特將各書價碼照實售價值改正

閱者注意